

Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 100-сса шин.

12+

«ЗАРЯ»

Нюжмар
14 июль
2023 ш.

№30 (9451)

www.zaria-online.ru
gazetazary@mail.ru

«Ххяххабургъин» - 100 шин

Нанисса шинал июльданул 5-ний райондалул администрациялул совещанияртту дай къатлуву хьунни, райондалул кказитрал цалчинмур номер бивкния шихуннай 100 шин шаврил юбилейран хасъсса, шадлугърайсса батлаву.

Миккува Юсуплул клиц бунни «Ххяххабургъил» хьунама редакторнан Аьрасатнал кьини, июльданул 12-ний, Дагъусттаннал бак-




Микку гьуртту хьунни райондалул бакъчи Юсуп Махламмадов, республикалул «Илчи» кказитрал редактор, РД-лул информациялул ва печатрал Агентстволул вакил Руслан Башаев, райондалул кказитрай хьхьичлунмай зий бивксса журналистал, идарарттай, организациярдай каялушиву

к1ун ур революционер, шаэр, журналист Ибрагъин-халил Кьурбанаьлиев.

Цила 100 шинал оьрмулуву райондалул кказитран дирзун дур шанна ца, буклай бивк1ун бур аьраб, латин, оьрус х1арпирдай.

100 шинал мутталай ч1явусса зузалт, каялушиву дайми, журналистал зий бивк1ун бур райондалул кказитрал ччаннай бац1ан булла. Даххана хьуну дур му буккан баврил журарду, лагру, ч1явуну буккаврил аьдад, качество. Амма баххана къавхьуну бур яла агъанмур - ва хьанай бур 100 шинал мутталай ца бакъа къабивк1сса райондалул ч1явучил информациялул ярагъ, цилгу бивч1инну, лаласунну аьч буллалисса райондалул оьрму, летопись, тарих, бивк1мур ва хьанакъимур, ххуймур ва оьккимур.



Кказитрал тарихрая буса-ву, т1ааьсса дак1нин бичавуртту, барча баврил калимартту, микку зий бивк1ми дак1нин бичавуртту - вай цимурца дия «Ххяххабургъин» 100 шин шаврил шадлугърай.

Му дачин дурну ия райондалул бакъчи Юсуп Махламмадов, цалгу кказитрал агъамсса тарихрацал барча бивсса гьарцагу кказитрацал дах1лаву дуну бивк1ми, ц1ана буми.

«Зах1матчи» кказитрал цалчинма редакторну ив-

директортал оьвкуну бивк1сса кказитрал уртакътал, «Ххяххабургъил» зузалт, цаппара дуклаки оьрч1ру, тамашачитал.

Кказитрал тарихрая буса-ву, т1ааьсса дак1нин бичавуртту, барча баврил калимартту, микку зий бивк1ми дак1нин бичавуртту - вай цимурца дия «Ххяххабургъин» 100 шин шаврил шадлугърай.

Му дачин дурну ия райондалул бакъчи Юсуп Махламмадов, цалгу кказитрал агъамсса тарихрацал барча бивсса гьарцагу кказитрацал дах1лаву дуну бивк1ми, ц1ана буми.

Ичи С.Меликовлул тапшур дуршиву паччах1лугърал бахшиш - Дагъусттан Республикалул лайкъ хьусса журналистнал ца.

Ва кьини бахшиширттал заллухьруну цаймигу хьунни. Райондалул администрациялул х1урматрал грамотартту ва т1утлив дулунни журналистал - ветерантал, «Ххяххабургъий» редакторну зий бивк1сса Анисат Мусаеван, отделданул хьунмурну зий бивк1сса Мирана Акаеван, Дамадан Шамхаловлун, ц1анасса ч1умал редакциялий зузисса АьХ1амид Аьлишаевлун, компьютердал оператор Рабият Джалаеван, штатрай бакъасса кказитрал корреспондент Марина Хизриеван ва Камилла Макъсудован.

Кьини хьун дан увк1сса «Илчи» кказитрал хьунама редактор Руслан Башаевлул барча баврил махьуругу лавхьун, кказитрал халкъунал оьрмулувусса агъамшивриягу бивсун, дизайнер Абакаров Аспандардун ва хьунмур бухгалтер Мамлакат Багачеван дулунни РД-лул информациялул ва печатрал Агентстволул чулухасса Х1урматрал грамотартту.

Райондалул кказитрал оьрмулия, бак1рач1ан бивк1муния, микку зий бивк1минная, ц1анасса тагъардания «Ххяххабургъил» хьунама редакторнал бивсун махь, ихтилатру бунни Руслан Башаевлул, Мирана Акаевал, Гьунч1укъат1рал школалул директор Малик Кьушиевлул, шаэр Аьвдул- (Ахир 2 лаж.)

Баянбаву

Райондалул территориялул бивч1авурттал комиссиялул баян булла бур:

Аьрасатнал Федерациялул Центральний бивч1авурттал комиссиялул 2012 шинал декабрьданул 5-ний бивсса (№152/11 37-Б) х1укмулийсса цаакъ бивсса, участкардал резервалийсса составравун, участкардал комиссиярттавул ц1усса члентал назначить баврил ва цивппа резервалийсса участкардал комиссияртту сакин баврил Низамрал 11-мур ва 14-мур пунктрайн чул бивщуну, Лакрал райондалул территориялул бивч1авурттал комиссия баян булла бур участкардал резервалийсса комиссиярдавун бивч1миннаясса предложенияртту къамул дуллалшиву, (для зачисления в резерв составов участковых избирательных комиссий (далее - УИК) сформированных на территории Лакского района).

Бивч1уну ччиминнаясса предложенияртту къамул дуллалсисар 2023 шинал 20 июльдания байбивхьуну 10-мур августрайн бияннин (му кьинигу х1исавну) территориялул бивч1авурттал комиссиялул.

УИК-рал телефондалул номер: 0865-0890. УИК-рал адрес: Лакский район сел.Кумух ул.Сурхайхана д.21 этаж -2, кабинет №1.

Участкардал резервалийсса бивч1авурттал комиссиярдавун къамул бивну ччисса кандидатураясса документру ва предложенияртту х1адур дайни чул бищун аьркинссар резервалийсса бивч1авурттал комиссиярттавул бивч1аврил Низамрайн (му цаакъ дурсса х1укму №152/1137-б. 2012 шин 5 декабрь ЦИК России). Му х1укмулуцал к1ул хьун бюхъант1иссар ЦИК-рал ва Дагъусттан Республикалул бивч1авурттал комиссиялул официал сайтрай, «Интернет» сетьраву.

Гьарца субъектирдава дурк1сса резервалийсса бивч1авурттал - комиссиярттавул къамул бара т1исса кандидатъту-рал аьдадрату ссуссукушиву дакъассар.

«Об основных гарантиях избирательных прав и права на участие в референдуме граждан Российской Федерации» т1исса Федерал закондалул 29-мур статьялул 1 пунктрайн бивну, резервалийсса бивч1авурттал комиссиярттавул къамул къабайсар му закондалул буч1и къабуллалими.

(ж,з,и,к,л подпунктирдавун багъанми лич1аннин).

Райондалул территориялул бивч1авурттал комиссия.

«Лакрал район» МР-данул администрациялул амру

2023ш. 07 июнь №130

Дуккаврил аьмсса программа биттур дулла, школалин гьаннинсса образования дачин дуллалисса 2лакрал район2 МР-данул идарарттай, мюрци оьрч1ахь буруглаварих ва аякъа дуллалаварих нитти-буттая ласайсса х1акълил лагру ч1алач1и даврия

«Об установлении максимального размера родительской платы за присмотр и уход за ребенком в государственных и муниципальных образовательных организациях, реализующих образовательную программу дошкольного образования, зависимости от условий присмотра и ухода на территории РД» т1исса РД-лул Х1укуматрал бивсса х1укмулин (30.05.2023ш) бивну, администрациялул х1укму буллалиссар:

2023 шинал июльданул 1-ния байбивхьуну «Лакрал район» МР-данул аьрщарайсса дуккаврил муниципал идарарттай мюрци оьрч1ах буруглан ва аякъа дуллан нитти-буттая ласайсса х1акълил кьарал укунсса дан:

-1 шиная 3 шин хьуннинсса оьрч1ая ласаван гьарца зуруй 600 кьуруш;

-3 шиная 7 шин хьуннинминная - гьарца зуруй 700 кьуруш.

Ва х1укму гужравун бухлахиссар 2023 шинал 1 июльдания байбивхьуну.

Ю.Х1.Мах1аммадов, райондалул бак1чи.

(Дайдихъу 1 лаж.)
мажид Исмиловлул.

ЧIявуминнал ххуй-ххуйсса барча бавуртту, лаж-ларду дакIнин бичавуртту кIицI лагаврищал барчал-лагъ тIий бия вайксса шин-нардий кказит ябаврихлу. КIицI лаглай бия агъалинал, кказитрал, учительтурал, нитти-буттахъал къулагъ-ас дан чарабакъасса масъалалия - лакку маз ябаврия,

буручаврия, ичIува кулпартирттаву лакку маз ишлану бачин баврия ва м.ц.

Мури в мийжаннугу гъарца лаккучунал буруккин бансса масъалалин кIура бавну бур. Кказитрал юбилейрал авур дан культуралул къатлул хIадур дурну дия хъун дакъасса концертту. Магъирлугърал школалул оьрчIал кказитрахасса назмурдугу. (Жул корр.)



«Кумиял сельсовет» МО-лул депутатътурал собраниялул хIукму 2023ш. 27 июнь №9

«Кумиял сельсовет» МО-лул депутатътурал собраниялул ца депутатнал цала ихтиярду къадитаврия

«Кумиял сельсовет» МО-лул Уставрал 30-мур статьялул 11 бутIуйн буну «Кумиял сельсовет» МО-лул депутатътурал собраниялул ХIукму буллалиссар:

«Кумиял сельсовет» МО-лул депутатътурал собраниялул депутатну ивкIсса Оьмариев Ширвани Сулаевич шярваллил администрациялул бакIчину увчIаврин буну, мунал депутатъшиврул ихтиярду чIумуяр хъьичI къадитан ан.

2.Ва хIукму бищун тавакью бан райондалул «Ххяххабаргъ» кказитрай ва шярваллил администрациялул сайтрай.

ХIукму гужравун бухлахиссар къамул бунния шихунмай.

ХIукму биттур шаврил контроль ттуйва битлай ура.

А.Я.ЯрахIмадов, собраниялул председатель.

«Ххяххабаргъин» - 100 шин



«Лакрал район» МР-данул депутатътурал собраниялул хIукму 2023ш. 8-мур июнь, №47.7

Шярваллил поселениярттал ихтиярду (ца бутIа) «Лакрал район» МР-далухъхъун булаврия

«Лакрал район» МР-данул Уставраин, «Об общих принципах организации местного самоуправления Российской Федерации» тIисса Федерал закондалул 15 статьялул 4 бутIуйн, РФ-лул Бюджетрал кодексрал 86-мур статьялин чул бивщуну, депутатътурал собраниелул ХIукму буллалиссар:

-КIанттул агъамшиву дусса масъалартту 2023-2024 шиннардил пландалисса чIумуву биттур баврицIун бавхIуну, «Лакрал район» МР-данун къамул дан цаппара ихтиярду (ягу ца бутIа).

Мивун духлай дур поселениялул генерал план цIакъ даву, аьрци ишла даврил, микку стройкарду даврил давуртту. Генерал пландалин буну поселениялул территориялий планировка даву, халкъуннал градостроительстволул проектирования даврил кIанттул къараллу цIакъ даву, аьрщарал ревизия баву, муниципал иширттан аьркин хъанахъисса поселениялул дазурдавусса аьрщарал участокру зеххин буюхъаву депутатътурал собраниялул хIукму барча.

Вай ихтиярду дулун укунсса шярваллил советирттал:

сельсовет Буршинский, сельсовет КIамахъалский, сельсовет Карашинский,

сельсовет Кубринский, сельсовет Унчукатлинский, сельсовет Кумухский, сельсовет Кундинский, сельсовет Уринский, сельсовет Шовкринский, сельсовет Хъуринский, сельсовет Хъунинский, село Щара, сельсовет Курклинский, сельсовет Кулушацкий.

Ва хIукму бищун райондалул «Ххяххабаргъ» кказитрай,

Бутан «Лакрал район» МР-данул официал сайтрайн.

ХIукму тIайла буккан:

-Дагъусттан Республикалул юстициялул Министерстволин закондалул ккаккан дурсса чIумуву къараллал праволул муниципал реестрданин ласуншиврул;

-Лакрал районнал дянивсса прокуратуралин коррупциялин къарщисса экспертиза дан ва законну дурурччуну дурив ххал дан.

Ва хIукму гужравун бухлахиссар му официальнойну опубликовать бувсса къинилия шихунмай.

ХIукмулий контроль баву ттуйра дитлай ура.

**Ш.ХI-А.Щурнаев,
собраниялул председатель.
Ю.ХI.МахIаммадов,
райондалул бакIчи.**

Батлаву

Члумул тlалав буллалисса масъалартту

Нанисса шинал июльданул 6-ний райадминистрациялу хьунни шярваллал администрациярдал бакl читал, школарттал директортал бавтlсса совещание. Му дачин дунни райондалул бакlчи Юсуп Махlаммадовлул.

Микку ххалбивгьунни укунсса масъалартту.

Р а й о н д а л у л агъалинал профилактикалул ххалбигъавуртту ва диспансиризация даврия. Муния бувсунни Лакрал ЦРБ-лул хlакин -кардиолог Хlажиев Абдулул.

Мунал бувчlин бунни циван дан аьркинсарив чара бакъа диспансиризация, му цила чlумал даврил агъам-

шиву, паччахlлугърал бивхъусса бурж бушиву.

Райондалил планнайн бувну ккаккан бувсса налогирттал ва цайми дучlиярдал бурж цукун биттур хъанай буссарив аьч баву

хъанай бия ххалбигълагъисса кlилчинмур масъала. Налогру ва дишаларду датlаврил даража цукунсса буссарив бувсунни финотделданул хъунмур Аьйша Амирхановал.

Шамулчинмур масъала бия шярваллал поселенирттал Уставирттаву дахханашивуртту давриясса.

Мунил хlакъираву ихтилат бувсса администрациялул делордалсса байсса Управлениелул хъунама Хlа-

ярдал кьараллал ва праволул актру кьамул давриясса.

Муния бувчlин бунни шярваллал администрациярдалул даурттал уполномоченный Абутlалиб Маммаевлул.

Мукьулчинмур масъалин бувну райадминистрациялул праволул ва кадрдалул буллалисса отделедалул начальник Кьурбанмахlаммад Дандамаевлул бувсунни райондалул шярваллаву, личли-личлисса кlанттурдай вахlшину ххавхсса ницlайхъуварал, ччанашпилул кьатlри бухгалтер баншиврул дан аьркинсса ва дуллалисса давурттая.

Махъва-махъмур масъаланугу хъунни шярваллал администрациярдал ва школарттал сайтру Госвебрайн ва Госабликалин буцаврил хlакъиравусса.

Муния бувчlин бунни аналитикалул ва информациялул отделедалул начальник Тlагьир Ахlмадовлул.

РД-лул ТФОМС-рал Лавашавсса филиал

ОМС-рал системалувусса инсантурал ихтиярдая

ОМС-рал (обязательное медицинское страхование, полис - му Аьрасатнал гьарца инсаннал агъамшиву дурса документи. Полису думиннахь ихтиярду дуссар медициналул ххуйсса кумаг тlалав бан ва цала мурадур буруччин.

Цукунсса ихтиярдури ми? Цукун ишла дуллан шайссар ми ихтиярду тlайлану?

2010 шинал ноябрьданул 29-ний кьамул дурсса Федерациялул №326-ФЗ закондалил ккаккан дурну дур («Об обязательном медицинском страховании в Российской Федерации») ОМС-рал полис дурса инсантурал ихтиярду. Закондалил кlицl ларгун дур медициналул страхование дурса инсантурахь дурса агъанмий ихтиярду:

-ОМС-рал программалил ккаккан бувсса медициналул кумаг тlалав бан.

-Медициналул аьркиншиннарду украллу дуллан, укв хъин уллан, анаварсса кумаг бавугу хlалану.

-ОМС-рал программалуву ккаккан бувсса медициналул кумаг буллансса медициналул организация цала личли дуллан.

-Медициналул кумаг бансса кьаралла ва шартlурдиясса хlуччарду кlул бан, ОМС-рай байминнул лагурдая ва качестволиягу хlисавну.

-Цукунчlавсса багъа кьабуллуну, арцу кьадирчуну медициналул кумаг тlалав бан.

-ОМС-рай ккаккан бувсса кумагирттал качестволиясса арзарду бан ТФОМС-райн (территориальный фонд обязательного медицинского страхования).

-ОМС-рал программалин кьабагъайсса медициналул кумаг бувну бухъурча, харжлугърал хlакъ лахъаву дан.

-Аьрасатнал цамур региондалил ОМС-рал кумаг бан, агар страхование дурма чlумуйсса увкlун, цамур региондалил ухъурча.

ОМС-райн дагъайсса инсантурал ихтияр-



ду дуруччайссар цаппара личли -личлисса кьайдардай:

Аьрзи. Страхование дурса инсаннаца бюхъайссар аьрза чичин ТФОМС-райн, ОМС-райн багъайсса медициналул кумаг ххуйну кьабувшиврия. Фондрал буржри му аьрза ххалбигъин ва му масъала сантирайн бутансса ххуллурду ласун.

Суд баву. Страхование дурминнахь ихтияр дуссар, агар ОМС-рай цанма кумаг бансса их-

тиярду зия дурну духъурча, му масъала судрайн булун.

Кумаг баврил даражалул ялув бацlаву.

ОМС-рай буллалисса медициналул кумаграл ялув бацlаву дайссар паччахlлугърал органнал ва организациярттал. Чlунчlумух дайссар ххалбигъавуртту, арцу харж даврил тlайлашиву, медициналул кумагру баврил даража ххуй дансса ва диялдакъашивуртту ялун личин дансса мурадрай.

Дахlавуртту даву. ОМС-рай бувсса медициналул кумагран кьимат бишун инсантураца бюхъайссар, ТФОМС-рал ва медициналул организациярттал сайтирттайн чивчунугу. Мукунсса дахlавурттал кумаг байссар буллалисса кумаграл качество ххуй дан ва страхование дурминнал пикири хlисавравун ласун.

ОМС-рал программалил укв ва ххуйну медициналул кумаг буллансса зула ихтиярду зия дуллау бухъурча, овьчара РД-лул ТФОМС-рал контакт - центрданул уквасса номерданий (8-800-222-29-05) ягу РД-лул ТФОМС-рал Лавашавсса районнал дянивсса ТФОМС-рал филиалдинин (8-928-878-31-77), мува номерданий Ватсцапп-райн. Мукунма булун бюхъайссар ОМС-райн багъайсса ччими суаллу.

Р.Д.Нурмахlаммадова, хъунмур специалист.

Лакрал прокуратура

Ивкlуманал ярагъ

Гъашину февральданий райондалул судрал хlукму бунни Аьрасатнал Федерациялул Уголовно-процессуальный кодексрал 24-мур статьялул 1-мур бутlлул 4-мур пунктрайн чул бившуну дачин дурсса уголовный дело дацlан дан, му дело сукку дурсса инсан ивкlунутlий.



МВД-лул Лакрал МО-рал ивкlусса му инсаннал хlакъираву дачин дурну дия уголовный дело РФ-лул Уголовный кодексрал 222-мур статьялул 1-мур бутlлул 1-мур ккулла битайсса ярагъ закондалуцlун кьабавкъуну ябуллалаврихлу.

Хъирив лавну, чlалачли бувссар, аьпалухъхъун лавгманал 2012 шинал (2015 шинал ноябрьданул 12-ния шихунай кьаливчун, цанчирча, ивкlусса тарих му бур), балжину цумур кlанайрив кlул бан кьабювхъунни, мунал, законгу зия дурну, щяту гъаз бувну бур маркировкагу рирщусса, 9 мм. калибр дусса пистолет -пулемет. Яла му, кьаст лархlуну, РФ-улл Федерациялул «150-ФЗ «Об оружии» зия дурну (му закон кьамул дурну дур 1996 шинал декабрьданул 13-ний, дахханашивуртту дурну -2020 шинал декабрьданул 8-нийгу, закондалуцlун кьаавкъуну ярагъгу, ккуллардугу ишла

буллан кьадагъа дирхъуну душивугу кlулну бунува, ябуллау ивкlун ур райондалилсса ца шяраву чlаркlув.

2022 шинал сентябрьданий МВД-лул Лакрал МО-рал «Обследование помещений, зданий, сооружений, участков местности и транспортных средств» тlисса оперативно-розыскной давуртту дуллау, му пистолет льякъуну бур кlицlларгсса чlаркlуву.

Му инсаннал дурмур дагълай дур РФ-лул УК-рал 222-мур статьялул 1-мур бутlлул ккаккан дурсса преступлениелин - ккулла би-



тайсса ярагъ закондалуцlун кьабавкъуну ябаву.

РФ-лул Уголовно-процессуальный кодексрал 24-мур статьялул 1-мур бутlлул 4-мур пунктрайн бувну, щаккиралу ума ягу тахсир хъума ивчlарча, мунайн уголовный дело сукку дан кьабюхъайссар, сукку дурсса уголовный делогу кьадитан багъайссар. Кьакьадитайссар анжагъ уголовный дело аьркинну духъурча ивкlу-

(Ахир 4 лаж.)

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 682 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

Ивк1уманал ярагъ

(Дайдихьу 3 лаж.)

манай тахсир бакъашиву
ч1алач1и бан.

Ялув к1иц1лавгсса су-
драхъхъун агъманал за-
кондалин бувсса вакил
- арснал судрай аьрза бул-
лунни, ивк1усса буттан
дурсса уголовный дело
тахсир бакъашиву ч1ала-
ч1и къабунува къадитав-
рин манеъшиву дуллау
акъашиврий.

Лакрал райондалул су-
дран къаларкъунни ивк1у-
манай аьй къадирк1шиву
ч1алач1и бан, уголовный
дело гихуннайгу ххалдигъ-
лансса цукунч1авсса са-
ваврту. Цанчирча, ивк1у-
манал гъанминнал чулуха
му дело гихуннайгу ххал-
дигъин т1алав буллалисса
аьрза щилч1ав къачивчун-
ни, дело къадитавришалгу

манеъшиву къадурунни.

Прокуратуралул був-
ч1ин буллалиссар, РФ-лул
УК-рал 222-мур статьялий
к1иц1ларгсса преступление
дагълай душиву жяматрал
мюхчаншиврийн ва жяма-
трал низамрайн къарщисса
преступлениерттайн.

2021 шинал июльдания
шихунмай мукунсса пре-
ступлениертту даврилус-
са таммих1 гуж бувссар.
Хъхьич1 судирттал там-
мих1 байссия 2 шиная 4
шинаин бияннинсса. Ц1а-
на т1урча таммих1ру бай 3
шиная 5 шинаин бияннинс-
са. Мунил ялун аьч1агу ди-
шин бюхъайссар 80 (май-
ц1ал) азара къурушрайн
дияннинсса.

Р.Д.Буттаев,
прокурорнал кумагчи,
1-мур классрал юрист.

МВД-лул Лакрал МО

Оперативно - профилактикалул даву «Багъу-бизу»

Лакрал ва Ккулдал районнай гъа-
шину июльданул 03-ния 10-нин най
дурссар оперативно - профилактикалул
даву «Багъу-бизу».

Мукунсса давурттал мурад -багъу-би-
зулул иширттаву преступлениертту хъун
къадитаврил ва хъуми ялун личин дав-
рил тагъар сантирайн дутаури. Мукун-
ма - жула отделданин дагъайсса аьрщарай
багъу-бизулул зах1матсса ва хъинну за-
х1матсса преступлениертту хъунсса са-
ваврту ва шарт1ру духлаган давури.

Ми давурттал агъамур мурад - инсан-
тал яхъанахъисса мах1лардайсса оператив-
ный тагъар ххуй даву, преступлениертту
хъун бюхъайсса нигъач1аву яларай давури,
ми хъун бюхъайсса багъу-бизулул сава-
врту ва шарт1ру хъхьич1а дукъан дурну.

Ва мурад шаллу буллау, дуллау бив-
к1ссар ич1аллил, багъу-бизулул престу-
плениертту хъун къадитансса ва хъуми
аьч дуллалисса, ялун личин дуллалисса
давуртту, ми дан бюхъайсса инсантал
цач1ун шайсса к1анттурдал ялув бав-
ц1ун бивк1ссар, мукунсса инсантурацал
гъарцаннацал профилактикалул даву
дурссар, багъу-бизулул преступлениер-
ту тикрал хъанахъаврил ялув бавц1ун
бивк1ссар, ми къахъанансса ххулурду
лавсэссар, хаснува -х1ан къах1арч1ун ба-
ц1ан къашайминнацал, лагма-ялттумин-
нан нигъач1аву дик1ан бюхъайминнацал
ва бак1рал -нярал, аькьлу к1улушилул ин-
житшивуртту думиннацал.

С.А.Бариева, СМИ-луцал
дах1авуртту дуллалимур.

ЦЗН

Даву дакъа ливч1сса ва зукъазисса инсантуран

Июльданул 12-ний хъунни зунсса к1анттурду ккаккан
буллалисса ярмарка «Михайловский день Занятости».
Му ярмаркалий цац1авасса зунсса к1анттурдая буслай,
бувк1миннацал ихтилатру буллау бия Запорожскал
областьраясса давурттал вакилтал.

Та областьрай дур зун гъан ччиминнан лув к1иц1ларгсса
давуртту. Вай давурттал, зун гъаврил х1акъираву балжину
к1ул бан ччими бухъхьияра Гъумуксса РД-лул Центр заня-
тостилул учреждениелин.

Адрес: Сурхайхана 1, къатри 90. Телефон 8 9267) -2-42-57.
Аьркин хъанай бур санятру дусса зузалт:

Главный специалист,
Ведущий специалист,
Педагог по фортепиано,
Педагог духовных инструментов,
Педагог по теории музыки,
Педагог по аккордеону,
Педагог по гитаре,
Тренер-преподаватель по футболу,
Тренер-преподаватель по волейболу,
Уборщик территории,
Организатор культурно-досуговой деятельности 2 категории,
Библиотекарь 2 категории (Раздол),
Библиотекарь 2 категории (Высокое)
Библиотекарь 2 категории (Любимовка),
Бухгалтер,
Менеджер,
Главный специалист юридического отдела,
Заведующий юридическим отделом,
Главный специалист экономического отдела
Ведущий специалист по работе с молодежью,
Секретарь руководителя,
Главный специалист (бухгалтер),
Врач-хирург,
Врач -анестезиолог,
Врач -педиатр,

Виха «Хяххабаргъ»

Х1акъину вил къини х1урматрай хъун дан,
Бусравсса дувстурал дарт1ун дур ккуран.
100-ра шинал ххуллул шадлугърал байран.
Дайдиша миллатрал къини савлугърай.

Зах1матсса ч1умуву ч1у баян буллау,
Гъаз хъуссара ина тарихрал ч1анлай.
Миллатрахъ гъалгъа т1ий дардру лаласлай,
Оьрму давран бансса ххуллурдах луглай.

Къаккавкссагу ливч1рив вин оьрмулуву?
Къума -шад буккайсса лаж1ардал хъуву.
Ца т1урк1ут1ий уна т1ут1ал ардаву
Вама хажалатрай усса ч1умуву.

Вил даву, вил -къимат к1яласса чагъар
Лух1исса щекъирай чичара хавар.
Инсанналмуниха лащай вил къадар.
Так инсаннал к1унттихъ шара ядигар.

Ттигу цимилагу, жул ужагъирттайн
Бухханссара ина оьвт1ий дувстурайн.
Шайнут1ий къуманал дак1ру рах1ат дан.
Мюнпатну льякъинсса маслих1атгеу бан.

Зун гъан ччиминнан

Дагъусттан Республикалул зах1ма-
трал ва социальныйну хъхьич1унмай
шаврилсса буллалисса министерстволия
баян буллау бур, республикалул, рай-
оннал даву дакъа ливч1сса, зун ччисса
агъалинайн Башкортостан Республика-
лий душиву лич1и -лич1исса, хъунисса
харжру буллалисса давуртту. Ва регион-
далин гъан ччиминнан аьркинсса гъарца
х1алкъазиялуштал к1ул хъун бюхълай бур
РД-лул зах1матрал ва социал иширтталс-
са буллалисса Министерстолийн лав-
гун, оьвкуну. Мукунма Лакрал районда-
лийсса агъалий давурттал шаллу баврил
масъалартталсса буллалисса центрданин
бувк1ун, ягу телефондалувух оьвкун.

Телефондалул номер: 8(87267) -2-42-57.
Лакский район. с.Кумух ул.Сурхайхана 1 д.90.

Инженер -энергетик,
Врач психиатр,
Врач терапевт,
Врач рентгенолог,
Зам.Директора,
Культурорганизатор,
Руководитель кружков,
Логопед,
Специалист по соц.ра
Специалист по охране труда и пож.безопасности
Социальный работник,
Парекмахер,
Специалист по делопроизводству,
Учитель русского языка,
Учитель физики,
учитель истории,
Учитель дефектолог,
Учитель логопед,
Оператор ЭВМ,
Инструктор по физкультуре,
Музыкальный руководитель,
Воспитатель,
Водитель автомобиля,
Водитель погрузчик,
тракторис -машинис сельскохозяйственного производства,
Слесарь по ремонту сельскохозяйственных машин и обо-
рудования,
Водитель автомобиля,
Главный электрик,
Продавец производственных и не производственных товаров,
Фельдшер-лобарант,
Полицейский,
Сторож,
Слесарь,
-Продавец производственных и не производственных то-
варов.